

<https://www.perseus.tufts.edu/hopper/text?doc=Perseus%3Atext%3A1999.02.0086%3Aact%3D1%3Ascene%3D1>

MICIO.

Storax--Non rediit hac nocte a coena Aeschinus, 26

Neque servulorum quisquam qui adversum ierant.

Profecto hoc vere dicunt: si absis uspiam,

Aut ubi si cesses, evenire ea satius est

Quae in te uxor dicit et quae in animo cogitat 30

Irata quam illa quae parentes propitii.

Uxor si cesses aut te amare cogitat,

Aut tete amari, aut potare, aut animo obsequi;

Et tibi bene esse soli quum sibi sit male.

Ego quia non rediit filius quae cogito, et 35

Quibus nunc sollicitor rebus! ne aut ille alserit,

Aut uspiam ceciderit, aut perfregerit

Aliquid. Vah, quemquamne hominem in animum instituere aut

Parare quod sit carius quam ipse est sibi?

Atqui ex me hic non natus est, sed ex fratre. Is adeo 40

Dissimili studio est iam inde ab adolescentia.

Ego hanc clementem vitam urbanam atque otium

Secutus sum; et, quod fortunatum isti putant,

Uxorem numquam habui. Ille contra haec omnia: 44